

NGGF je dobrovoljna skupina građana koja je odlučila biti most između nezadovoljnih građana i rukovodilaca općine Fojnice. Želimo istaći kako ovu grupu čine ljudi različitih godina, nacionalnosti, stranačkih i vjerskih opredjeljenja, stručnosti a sve s istim ciljem – bolja budućnost Fojnice!

Na organiziranim mirnim protestima održanim u ponedjeljak 10.2. 2014. Godine ova grupa je sa načelnikom naše općine održala sastanak na kojem je iznijela zahtjeve građana. Prema njegovom obećanju, svi zahtjevi bit će razmatrani na Općinskom vijeću koje će održava na današnji dan.

U tom smislu jedan član naše grupe će prezentirati zahtjeve NGGF, ako ste i Vi u prilogu dobili.

ZAHTJEVI

1. Općina-institucija:

- Pitanje smanjenja ličnih dohodaka (načelniku, predsjedniku Općinskoj Vijeća i vijećnicima):
- NGGF je iznijela prijedlog u kojem traži:
 - Ukidanje paušala vijećnicima (odnosno samo isplaćivanje dnevnica po zakonskim propisima)
 - Smanjivanje plaće načelniku na 1100 KM
 - Smanjivanje plaće predsjedniku općinskog vijeća na 700 KM
 - Ukidanje Bijelog hljeba

Cilj ovakvih mjera je osnivanje i finansiranje fonda kojim bi osigurali bolji socijalni status naših građana.

Fond bi bio namijenjen:

- Stipendiranju studenata naše općine
- Socijalno ugroženim osobama
- Poljoprivrednicima kroz jednokratne poticaje
- Zdravstvu (100 % finansiranje specijalista)
- **Revizija radnih mjesta u javnim ustanovama:**
 - Tražimo da se u roku 15 dana u općini i svim javnim poduzećima koje su u nadležnosti općine ponovo raspiše javni natječaj zbog opravdanih sumnji u neregularnost prethodnih natječaja u zadnjih 15 mjeseci.

2. Stanje u privredi:

- Priložiti izvještaj dosadašnje revizije privatizacije (Velepromet, Trikotaže, UPI, Rudarsko preduzeće Fojnica...), poseban akcenat staviti na izvještaju nadležne službe po pitanju statusa Pilane i RRC Reumal;
- Postavljamo pitanje jesu li ispoštovani uslovi za privatizaciju;
- Pitanje ko to vrši i dozvoljava pljačku imovine Sportforma;

- **Razmatranje finansijskog revizorskog izvještaja za 2012. Godinu;**
 - Zahtjeva se od OV i nadležne službe očitovanje o poduzetim mjerama;

- **Razmatranje realizacije strateškog Plana razvoja općine Fojnica;**
 - Zašto plan prostornog uređenja Fojnice nije bio izveden od stručnih osoba i zašto nikada nije bio razmatran i prezentiran OV;
 - Pitanje Prokoškog jezera, da li općina Fojnica ima neophodnu dokumentaciju i dozvole za izvršenje bilo kakvih aktivnosti na PJ kada se zna da je PJ u nadležnosti Kantona;
 - Pitanje projekta Gondola prema RC Brusnica, zašto se ne vrši naplata poreza na zemljište potencijalnim korisnicima vikend objekata na Brusnici, iako je to prije više od 4 godine definisano odlukom OV;

- **Rješavanje ekonomsko-socijalne situacije u Fojnici;**
 - Pitanje plaćanja korištenja gradskog građevinskog zemljišta kod fizičkih lica u iznosu od 15KM, smatramo da je ta odluka naštetila socijalno-ekonomskom statusu naših građana;
 - Pitanje koliko je uplaćeno za korištenje gradskog zemljišta koje koristi Aqua Reumal;
 - Zašto nema komunikacije sa susjednim razvijenim općinama i zašto se ne koriste iskustva istih;
 - Pošto je turizam osnova ekonomskog razvoja Fojnice postavlja se pitanje šta se konkretno uradilo po ovom pitanju;
 - Obzirom da se pokrenulo pitanje toplifikacije grada postavljamo pitanje zbog čega se do sada nije ništa mrdnulo sa mrtve tačke;
 - Tražimo zoniranje površina pogodnih za različite vrste privrednih djelatnosti;

- **Pitanje rješavanja brojnih, nagomilanih problema u poljoprivrednom sektoru:**
 - Pitanje statusa i aktivnosti ZZ Fojnica;

3. Zdravstvo

- Poboljšanje kvaliteta zdravstvenih usluga Doma Zdravlja;
- Iz eventualno ušteđenih sredstava izvršiti sufinansiranje specijalističkih usluga;
- Pokrećemo inicijativu da OV izglasa i uputi zahtjev kantonalnom ministarstvu zdravstva za ukidanje zdravstvenih markica;

4. Školstvo:

- **Rješavanje problema stipendija;**
 - Iz fonda utvrditi količinu finansijskih sredstava te u skladu sa mogućnostima obezbjediti stipendije prema socijalnom statusu studenata;
- **Rješavanje problema pripravnčkog staža;**
 - Obzirom da Općina Fojnica ostvaruje primanja od strane kantonalnih, odnosno federalnih institucija, zahtjevamo transparentnu i strogo kontrolisanu raspodjelu ovih sredstava, te predlažemo da se u komisiju za raspodjelu uvrste članovi NGGF;
- **Rješavanje statusa obdaništa u Fojnici;**
 - S obzirom da su sredstva namijenjena za finansiranje vrtića smanjena proteklih godina sa 42 000 KM na samo 30 000 KM što je uzrokovalo nemogućnost adekvatnog rada ove prijeko potrebne ustanove, tražimo da se iz općinskog budžeta hitno izdvoji novac i omogući stručan i dostojan rad osobama koje brinu o našoj djeci.

5. Socijalna struktura:

- Rješavanje problema socijalno ugroženih građana općine Fojnica;
- Razmatranje načina raspodjele socijalne pomoći;
- Mogućnost otvaranje narodne kuhinje;

6. NVO

- **Razmatranje pitanja statusa OC „Stella“;**
 - Razmatranje mogućnosti ponovnog aktiviranja OC „Stella“;
- **Razmatranje pitanja korištenja stadiona Fojnica;**
 - Imamo saznanja da su narušeni odnosi uprave kluba FK Fojnica i udruženja za sport, ekologiju i kulturu „ Respect“, te da je to poprimilo sudski epilog, te zahtjevamo da se ovaj problem u što skorijem vremenu riješi;